

Na osnovu člana 68 Zakona o organizovanju organa uprave u Federaciji BiH ("*Službene novine FBiH*" broj: 35/05) i Programa utroška sredstava Budžeta Zeničko-dobojskog kantona za poticaje u poljoprivredi u 2011. godini, koji je Vlada Zeničko-dobojskog kantona usvojila Zaključkom broj: 02-24-13777/11 od 12.05.2011.godine, Ministar Ministarstva za poljoprivredu, šumarstvo i vodoprivredu donosi:

U P U T S T V O

O POTICANJU POLJOPRIVREDNE PROIZVODNJE

Ovim uputstvom propisuju se uslovi koje moraju ispuniti fizička i pravna lica za ostvarivanje prava na poticaje u poljoprivrednoj proizvodnji, te vrste i obim poljoprivredne proizvodnje koja se potiče iz sredstava budžeta Kantona za 2011. godinu.

Podržavaju se slijedeće poljoprivredne proizvodnje:

1. Uzgoj priplodnih junica;
2. Uzgoj priplodnih krmača;
3. Uzgoj brojlera;
4. Proizvodnja konzumnih jaja;
5. Podrška u finansiranju mliječnih kartona;
6. Farme za proizvodnju kravljeg mlijeka;
7. Proizvodnja presadnica povrća;
8. Proizvodnja povrća u plastenicima i staklenicima;
9. Proizvodnja maline;
10. Proizvodnja borovnice;
11. Proizvodnja gljiva;
12. Proizvodnja heljde i spelte;
13. Zasnivanje novih zasada maline i borovnice;
14. Zasnivanje novih zasada voća (visokostablašica);
15. Podrška za reprocentre voća;
16. Podrška mljekarama za otkup svježeg kravljeg mlijeka;
17. Podrška prerađivačima za otkup brojlera;
18. Podrška otkupljivačima za otkup svježeg kravljeg mlijeka;
19. Podrška otkupljivačima za otkup svježeg voća i povrća;
20. Podrška za nabavku mehanizacije za poljoprivredu;
21. Podrška za ujednačen razvoj poljoprivrede na području Zeničko-dobojskog kantona..

OPĆE ODREDBE

Ako nije drugačije određeno u posebnim odredbama ovoga uputstva, svi zahtjevi za podršku podnose se putem općinskih službi nadležnih za poslove iz oblasti poljoprivrede.

Također, ako nije drugačije određeno u posebnim odredbama, ovo uputstvo primjenjuje se na sve zahtjeve zaprimljene jedan dan nakon objavljivanja istog na službenoj web stranici Zeničko-dobojskog kantona, a do tada će se primjenjivati odredbe Uputstva o poticanju poljoprivredne proizvodnje za 2010. godinu.

Svaki zahtjev mora sadržavati:

- ime i prezime podnosioca zahtjeva,
- datum rođenja,
- JMBG ili IB za pravna lica,
- tačnu adresu ili sjedište,
- naziv banke i naziv poslovnice u kojoj podnosilac zahtjeva ima otvoren račun,
- broj vlastitog računa uz priloženu fotokopiju bankovne kartice,
- potpis od strane podnosioca zahtjeva,
- datum podnošenja zahtjeva,
- podatke o vrsti i količini proizvodnje koja se kandidira za dodjelu poticaja.

Oblik i sadržaj obrazaca potrebnih za aplikaciju zahtjeva propisuje Kantonalno ministarstvo.

Općinska služba nadležna za poslove poljoprivrede dužna je provjeriti ispravnost i kompletnost dokumentacije, te poduzeti aktivnosti u svrhu eventualnih ispravljanja nepravilno popunjenih zahtjeva, ili upotpunjavanja nekompletne dokumentacije.

Ukoliko zahtjev, koji je dostavljen Ministarstvu za poljoprivredu, šumarstvo i vodoprivredu, sadrži nepotpunu dokumentaciju, ili je obrazac zahtjeva popunjen bez obvezujućih podataka, isti će se smatrati neispravnim.

Kantonalni poticaj ne mogu ostvariti pravna i fizička lica koja prema podacima Ministarstva za poljoprivredu, šumarstvo i vodoprivredu, po bilo kojem osnovu imaju neizmereni obaveza prema Kantonu .

Kantonalni poticaj ne mogu ostvariti pravna i fizička lica koja nisu dostavila potvrdu o podnošenju zahtjeva za upis u Registar poljoprivrednih gazdinstava ili Registar klijenata od općinske službe prema mjestu prebivališta (fizička lica) ili prema sjedištu (pravna lica).

Pravo na ostvarenje podrške imaju korisnici koji su ostvarili poljoprivrednu proizvodnju ili poljoprivrednu djelatnost na teritoriji Zeničko-dobojskog kantona i imaju stalno mjesto prebivališta, odnosno za pravna lica sjedište na području Zeničko-dobojskog kantona.

Aplikant u istom vremenskom periodu za jednu proizvodnju ili jednu aktivnost ne može ostvariti poticaj po dva osnova.

POSEBNE ODREDBE

A/1 ANIMALNA PROIZVODNJA

I

UZGOJ STEONE JUNICE

Premiju za uzgojenu steonu junicu mogu ostvariti uzgajivači - fizička ili pravna lica, sa područja Zeničko-dobojskog kantona za grla uzgojena od vlastitih krava na području Zeničko-dobojskog kantona.

Osnovni kriteriji

Kandidirano grlo mora biti:

- Porijeklom sa farme na području Zeničko-dobojskog kantona;
- U fazi prve gravidnosti - najmanje 4 mjeseca od dana kandidiranja;
- Eksterijerno čiste pasmine;
- U dobroj kondiciji i prihvatljive konstitucije u skladu sa opće prihvaćenim standardima u govedarstvu, odnosno mora odgovarati pretpostavkama da se može razviti u kvalitetno grlo za rasplod, te u momentu kandidiranja za premiju izrasti do težine od najmanje 450 kg, izuzev za grla koje eksterijerno odgovaraju oberintalskoj pasmini goveda;
- Vještački osjemenjeno u starosnoj dobi između navršenih 14 mjeseci i navršenih 20 mjeseci;
- Potomak vještački osjemenjene majke (prirodan pripust majke se ne premira);
- Obilježeno ušnom markicom, u skladu sa Pravilnikom o obilježavanju životinja;
- Rođeno i uzgojeno na imanju – farmi uzgajivača, podnosioca zahtjeva (kupljeno ili nabavljeno grlo iz drugog uzgoja – drugog vlasnika se ne premira)

Način premiranja

Iznosi premija za uzgojenu steonu junicu su 400 KM/grlo i 200 KM/grlo.

Da bi uzgajivač po osnovu kandidiranog grla ostvario premiju u iznosu od 400 KM/ grlo mora eksterijerno odgovarati nekoj od slijedećih pasmina: simentalska, holštajn-frizijska, smeđe alpsko govedo (montafonska), sivo tirolsko govedo (oberintalska) ili nekoj drugoj čistoj pasmini ukoliko uzgojno-seleksijska služba kandidirano grlo ocijeni kao uzgojno vrijedno grlo.

Procjena težine grla vršit će se usporedbom dužine trupa od najviše tačke na grebenu do korijena repa i obima prsa iza ramenog zgloba prema slijedećoj tablici i to u slučajevima kada postoji opravdana pretpostavka da grlo nije dostiglo odgovarajuću tjelesnu masu.:

		Dužina trupa cm												
		100	105	110	115	120	125	130	135	140	145	150	155	160
Opseg prsa cm	140	236	248	259	271	282	299	310	323	336	348	360	373	385
	145	248	260	275	285	296	311	323	343	352	365	378	390	403
	150	260	274	286	300	317	326	338	352	365	377	389	402	417
	155	278	292	306	319	334	348	362	376	389	404	418	431	445
	160	296	311	326	341	356	371	385	400	415	430	444	459	474
	165	316	331	347	363	379	395	410	426	441	458	473	489	504
	170	335	352	367	384	410	418	435	452	468	485	502	519	535
	175	355	372	390	407	425	443	461	478	497	509	533	551	568
	180	375	394	413	432	450	469	488	507	525	544	563	582	600
	185	396	416	436	456	475	495	515	535	554	574	594	615	634
	190		439	460	481	501	523	543	565	584	606	627	648	668
	195			484	506	529	551	573	594	617	639	661	683	705
	200				532	556	579	602	625	648	671	694	718	741
	205					584	608	632	656	681	706	730	755	779
	210					612	638	663	689	715	741	766	792	817
215					642	670	701	722	754	777	803	830	851	
225					672	700	728	756	784	813	840	869	896	

Procjena težine grla koju je izvršila uzgojno-seleksijska služba za grla obilaskom na terenu, smatrat će se konačnom.

Grla za premiju putem Općina kandidiraju veterinarske stanice.

Općina Ministarstvu dostavlja dokumentaciju uz propratni akt sa spiskom kandidata, te takvi zahtjevi zaprimljeni na protokol kantona nemaju mogućnosti naknadnog dopunjavanja nedostajuće ili ispravljanja neispravne dokumentacije.

Prijedlog kandidature grla za premiju potpisuje direktor veterinarske stanice i diplomirani veterinar iz veterinarske stanice koji je lično kandidirao grlo.

Kontrolu kandidiranih grla vrši Uzgojno-seleksijska služba Zeničko-dobojskog kantona.

Grla kandidirana za premiju uzgajivač je dužan držati u vlasništvu najmanje godinu dana od dana kada je grlo kandidirano, izuzev u slučajevima kada se vrši organizirani otkup ženskih rasplodnih grla u svrhu izvoza, ili daljeg uzgoja koji je pod kontrolom Uzgojno-seleksijske službe Kantona.

Ukoliko Uzgojno-seleksijska služba Zeničko-dobojskog kantona kontrolom na terenu utvrdi da grlo više nije u posjedovanju uzgajivača, isti neće ostvariti premiju, odnosno dužan je eventualno isplaćeni iznos premije vratiti, osim u slučajevima kada dostavi veterinarsku potvrdu o prinudnom klanju, uginuću ili ubijanju grla.

Grlo koje je abortiralo (pobacilo) nakon podnošenja zahtjeva za premiju, ostvaruje premiju uz prilaganje potvrde od veterinarske stanice o abortusu (pobačaju) najkasnije 30 dana od dana pobačaja.

Ukoliko se utvrdi da grlo koje se kandidira nema umetnutu ušnu markicu u uho, propisanu od strane agencije za obilježavanje životinja, vlasnik grla nema pravo na ostvarivanje premije za to kandidirano grlo.

Veterinarska stanica za poslove kandidiranja grla za premiju, ostvaruje naknadu, što se regulira Ugovorom između Ministarstva za poljoprivredu, šumarstvo i vodoprivredu Zeničko-dobojskog kantona i veterinarskih stanica.

Grla koja nisu uvedena u službenu evidenciju vještačkih osjemenjavanja veterinarske stanice ne mogu se kandidirati za premiju, a ukoliko se ustanovi da ne postoji službena evidencija o vještačkom osjemenjavanju za kandidirano grlo uzgajivač neće ostvariti premiju.

Nepotpuno ili nečitko (nije moguće pročitati napisano) popunjena potvrda izdata od veterinarske stanice čini zahtjev neispravnim, te će se isti u tom slučaju vratiti nadležnoj općinskoj službi.

Potrebna dokumentacija za ostvarivanje poticaja

Za ostvarivanje prava na podršku korisnik kantonalmom ministarstvu dostavlja slijedeću dokumentaciju:

- 1. Zahtjev taksiran sa 3 KM administrativne takse**
- 2. Potvrda sa podacima: o vještačkom osjemenjavanju kandidirane junice i njezine majke, o roditeljima kandidiranog grla, i prijedlogom visine premije**
- 3. Potvrda o pregledu na gravidnost kandidiranog grla**
- 4. Kopija pasoša izdatog od agencije za obilježavanje grla za kandidirano grlo i njegovu majku**
- 5. Kopija mliječnog kartona majke koji ne može biti stariji od 2 godine**
- 6. Fotokopija kartice sa brojem bankovnog računa**
- 7. Potvrda o podnošenju zahtjeva za upis u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica)**
- 8. Rješenje o upisu u sudski registar (samo za pravna lica)**

Uzgajivači koji kandidiraju grlo čiji eksterijer nedvojbeno ukazuje na to da je potomak roditelja različitih pasmina, ili je to vidljivo iz priložene dokumentacije, ostvaruju premiju u iznosu od 200 KM/grlo, pod uslovom da ispunjavaju sve ostale navede kriterije.

Rok za podnošenje zahtjeva na protokol Zeničko-dobojskog kantona je 15.10.2011. godine.

II

UZGOJ RASPLODNIH KRMAČA

Pravo na premiju imaju uzgajivači koji kandidiraju najmanje 5 kvalitetnih rasplodnih krmača.

Premiraju se samo kvalitetne rasplodne krmače starije od 12 mjeseci, proizvedene na vlastitoj farmi koje su proizvele najmanje jednu generaciju potomaka i ostavljene u rasplodu za najmanje još jednu generaciju potomaka.

Konačnu ocjenu o ispunjavanju uslova za premiju donosi Uzgojno-seleksijska služba Ministarstva za poljoprivredu, šumarstvo i vodoprivredu Zeničko-dobojskog kantona.

Grla kandidirana za premiju moraju biti obilježena ušnom markicom, u skladu sa Pravilnikom o obaveznom označavanju i upisu u jedinstveni registar ovaca, koza i svinja, te vođenju evidencija.

Ukoliko se utvrdi da grlo koje se kandidira nema umetnutu ušnu markicu u uho, vlasnik grla nema pravo na ostvarivanje premije za to kandidano grlo.

U uzgoju mora biti osiguran stalni veterinarsko - zdravstveni nadzor, a nadležna veterinarska služba potvrđuje da su nad kandidiranim grlima provedene sve propisane mjere.

Kvalitetne rasplodne krmače koje ispunjavaju uslove, premiraju se sa 100 KM/grlo.

Potrebna dokumentacija za ostvarivanje poticaja

Za ostvarivanje prava na podršku korisnik kantonalmom ministarstvu dostavlja slijedeću dokumentaciju:

- 1. Zahtjev taksiran sa 3 KM kantonalne takse**
- 2. Potvrdu od nadležne veterinarske službe o provedenim mjerama zdravstvene zaštite**
- 3. Potvrda o podnošenju zahtjeva za upis u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica)**
- 4. Rješenje o upisu u sudski registar (samo za pravna lica)**

Rok za podnošenje zahtjeva na protokol Zeničko-dobojskog kantona je 31.08.2011. godine

III

UZGOJ BROJLERA

Pravo na premiju za uzgoj brojlera imaju uzgajivači koji na teritoriji Zeničko-dobojskog kantona u vlastitom ili zakupljenom objektu imaju registriranu djelatnost za proizvodnju brojlera, te usele najmanje 5.000 komada brojlera u turnusu i imaju zasnovan kooperantski odnos sa registriranim otkupljivačem brojlera.

Turnus brojlera podrazumijeva jednovremeni početak i jednovremeni završetak tova jedinki iste starosne dobi.

Podnosilac zahtjeva mora biti ujedno vlasnik proizvodnih objekata ili potpisnik Ugovora o zakupu objekta, te priložiti dokaz da nije evidentiran kao nezaposleno lice kod biro-a za zapošljavanje.

Premija se obračunava temeljem broja utovljenih-plasiranih brojlera.

Datum nabavke/plasmana brojlera prema računu/otpremnici, ili nekom drugom dokumentu koji dokazuje zaduženja/plasman brojlera, smatra se početkom/završetkom proizvodnje.

Premira se proizvodnja brojlera završena nakon 01.11.2010 i završena do 31.10. 2011. godine. Iznos premije je 0,10 KM/ utovljeni brojler.

Potrebna dokumentacija za ostvarivanje poticaja

Za ostvarivanje prava na podršku korisnik kantonalnog ministarstvu dostavlja u **originalu ili ovjerenj kopiji** slijedeću dokumentaciju:

- 1. Zahtjev taksiran sa 3 KM kantonalne administrativne takse sa naznačenim datumom početka turnusa i brojem jedinki u turnusu**
- 2. Dokaz o nabavci brojlera za tov od registriranog proizvođača**
- 3. Ugovor o utvrđenom plasmanu brojlera pravnom licu registriranom za preradu brojlerskog mesa**
- 4. Dokaz o vlasništvu objekta**
- 5. Ugovor o zakupu objekta za tov, ukoliko se radi o zakupu**
- 6. Račun ili otkupni blok o plasmanu brojlera**
- 7. Ovjerena kopija obavještenja o ID broju**
- 8. Dokaz o registraciji djelatnosti za pravna lica**
- 9. Potvrda o podnošenju zahtjeva za upis u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica)**
- 10. Uvjerenje Biro-a za zapošljavanje da podnosilac zahtjeva nije evidentiran kao nezaposleno lice**

Dokumentacija pod rb. 1. i 2. i 6. podnosi se za svaki novi turnus brojlera, najkasnije 15 dana od dana iseljenja turnusa.

Dokumentacija pod rb. 3., 4., 5., 7., 9., i 10. dostavlja se samo za prvi turnus od dana usvajanja uputstva, izuzev ukoliko u međuvremenu nije došlo do promjena okolnosti.

Korisnik koji se u prvi put pojavljuje kao aplikant, ili podnosi zahtjev nakon više od 2 godine dana od posljednje aplikacije za ovu vrstu proizvodnje, dužan je prvi zahtjev podnijeti 10 dana nakon useljenja turnusa, a nakon toga aplicira na način kako apliciraju i ostali korisnici.

Zahtjevi sa dokumentacijom dostavljaju se na protokol Zeničko-dobojskog kantona do 15.11.2011. godine.

IV

PROIZVODNJA KONZUMNIH JAJA

Pravo na premiju za proizvodnju konzumnih jaja imaju proizvođači koji na teritoriji Zeničko-dobojskog kantona u vlastitom ili zakupljenom objektu imaju registriranu djelatnost proizvodnju konzumnih jaja sa minimalno 1.500 komada pilenki lakih linija.

Podnosilac zahtjeva mora biti ujedno vlasnik proizvodnih objekata ili potpisnik Ugovora o zakupu objekta, te priložiti dokaz da nije evidentiran kao nezaposleno lice u Biro-u za zapošljavanje.

Iznos premije je 1,00 KM/ useljenu pilenku.

Premira se proizvodnja započeta najranije od 01.09.2010, a najkasnije do 31.8.2011. godine nabavkom 18- nedjeljnih pilenki lakih linija, ili započeta najranije 20.03.2010 ukoliko je proizvodnja započeta nabavkom jednodnevnih pilića.

Datum nabavke 18-dnevnih pilenki ili jednodnevnih pilića prema računu o nabavci smatra se datumom početka proizvodnje.

Potrebna dokumentacija za ostvarivanje poticaja

Za ostvarivanje prava na podršku korisnik kantonalnog ministarstvu dostavlja u **originalu ili ovjerenj kopiji** slijedeću dokumentaciju:

1. **Zahtjev taksiran sa 3 KM kantonalne administrativne takse sa datumom i brojem useljenih pilenki**
2. **Račun o nabavci pilenki od registriranog proizvođača**
3. **Dokaz o vlasništvu objekta**
4. **Ugovor o zakupu objekta, ukoliko se radi o zakupu**
5. **Ovjerena kopija obavještenja o ID broju**
6. **Rješenje o upisu u sudski registar za pravna lica**
7. **Potvrda o podnošenju zahtjeva za upis u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica)**
8. **Uvjerenje Biro-a za zapošljavanje da podnosilac zahtjeva nije evidentiran kao nezaposleno lice**

Uzgojno-seleksijska služba Ministarstva za poljoprivredu, šumarstvo i vodoprivredu Zeničko-dobojskog kantona, zapisnički će utvrditi činjenično stanje u vezi prijavljene poljoprivredne proizvodnje.

Zahtjevi sa propisanom dokumentacijom dostavljaju se na protokol Zeničko-dobojskog kantona najkasnije do 30.09. 2011. godine.

V

PODRŠKA U FINANSIRANJU MLIJEČNIH KARTONA

Sufinansira se izrada mliječnih kartona za krave u laktaciji sa 30 KM/grlo.

Izradu mliječnih kartona obavljat će veterinarske stanice sa područja Zeničko-dobojskog kantona.

Pravo na sufinansiranje ostvarivati će proizvođači preko veterinarskih stanica, koje su dužne dostaviti sljedeću dokumentaciju:

1. **Račun o obavljenoj usluzi sa imenom i prezimenom proizvođača**
2. **Laboratorijski nalaz, pojedinačno za svakog proizvođača**
3. **Kopija mliječnog kartona**

Jedinstvena cijena za izdavanje jednog mliječnog kartona na osnovu Upustva za provođenje mjera kontrole zaraznih i parazitarne bolesti životinja i njihovim finansiranjem u 2010. godinu (*Službene novine FBiH broj: 21/09*) iznosi maksimalno 55 KM/grlo, od čega je 40 KM usluga veterinarske organizacije, a 15 KM usluga veterinarske ustanove.

Ovlaštena veterinarska ustanova u Zeničko-dobojskom kantonu – Veterinarski zavod, uslugu ispitivanja na propisane bolesti obavljati će po cijeni od 10 KM/grlo, a usluga veterinarske organizacije je 40 KM/grlo. Poljoprivredni proizvođač finansira mliječni karton sa 15 KM/grlo.

Veterinarske stanice će dostavljati spiskove proizvođača sa propisanom dokumentacijom za svaki kvartal, a najkasnije 15 dana po isteku kvartala.

Iz sredstava Budžeta za 2011 godinu finansiraju se mliječni kartoni iz četvrtog kvartala 2010. godine, te prvog, drugog i trećeg kvartala 2011-te godine.

Zahtjevi sa propisanom dokumentacijom dostavljaju su na protokol Zeničko-dobojskog kantona do 15.10.2011. godine.

VI

FARME ZA PROIZVODNJU KRAVLJEG MLIJEKA

Pravo na premiju za registrirane farme za proizvodnju kravljeg mlijeka imaju fizička i pravna lica koja ispounjavaju slijedeće uslove:

- Da imaju registriranu poljoprivrednu djelatnost uzgoja muznih grla na vlastitom ili zakupljenom zemljištu ili objektu,
- Da imaju najmanje 5 muznih grla na farmi sa važećim mliječnim kartonom,
- Da su grla obilježena u skladu sa pravilnikom o obilježavanju životinja i da sva grla posjeduju pasoše izdane od strane agencije za obilježavanje životinja

Iznos podrške je 200 KM/muznom grlu, a maksimalan broj grla koji se potiče je 50 (10.000 KM) za jednog registriranog proizvođača

Potrebna dokumentacija za ostvarivanje poticaja

Za ostvarivanje prava na podršku korisnik kantonalmom ministarstvu dostavlja u **originalu ili ovjerenoj kopiji** slijedeću dokumentaciju:

1. **Zahtjev taksiran sa 3 KM kantonalne administrativne takse**
2. **Uvjerenje o registraciji**
3. **Kopija obavještenja o ID broju**
4. **Kopije mlijećnih kartona za sva muzna grla**
5. **Kopije pasoša**
6. **Uvjerenje o izmirenim poreskim obavezama**
7. **Potvrda o podnošenju zahtjeva za upis u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica)**

Zahtjevi se podnose na protokol Zeničko-dobojskog kantona do 31.10.2011. godine.

A/2 BILJNA PROIZVODNJA

VII

PROIZVODNJA PRESADNICA POVRĆA

Pravo na podršku imaju proizvođači (pravna lica) koja su registrovana za navedenu djelatnost. Iznos poticaja za proizvedene presadnice povrća (paprike i paradajza) iznosi 0,05 KM za proizvedenu presadnicu, a maksimalno 500.000 presadnica povrća (paprike i paradajza).

Pravo na podršku imaju proizvođači koji su upisani u registar proizvođača presadnica kod Federalnog ministarstva za poljoprivredu, vodoprivredu i šumarstvo.

Potrebna dokumentacija za ostvarivanje poticaja

Za ostvarivanje prava na podršku korisnik kantonalmom ministarstvu dostavlja u **originalu ili ovjerenoj kopiji** slijedeću dokumentaciju:

1. **Obrazac zahtjeva, taksiran sa 3KM kantonalne administrativne takse**
2. **Potvrda o podnošenju zahtjeva za upis u Registar poljoprivrednih gazdinstava i Registar klijenata od općinske službe prema sjedištu (pravna lica)**
3. **Kopija rješenja o upisu u registar**
4. **Uvjerenje o stručnom pregledu nad proizvodnjom**
5. **Uvjerenje o zdravstvenom stanju presadnica**
6. **Potvrdu nadležne kantonalne porezne uprave da korisnik nema dospjelih, a neizmirenih poreznih obaveza (ne starije od 30 dana)**
7. **Zapisnici PSS-a o proizvodnji presadnica povrća**

Poljoprivredna stručna služba će uvidom na terenu utvrditi broj proizvedenih sadnica po ciklusima proizvodnje.

Zahtjevi se podnose do 08. 07. 2011. godine, a kompletiranje dokumentacije i provjera od strane PSS-a će biti obavljena do 29.07.2011. godine.

VIII

PROIZVODNJA POVRĆA U PLASTENICIMA I STAKLENICIMA

Podršku za proizvodnju povrća u plastenicima i staklenicima mogu ostvariti proizvođači povrća u plastenicima ili staklenicima.

Iznos podrške je:

- **2 KM/m² za korisnike koji nisu registrovani za samostalnu poljoprivrednu djelatnost i pravna lica**
- **5 KM/m² za korisnike koji su registrovani za samostalnu poljoprivrednu djelatnost-osnovna djelatnost (fizička lica).**

Plastenici, odnosno staklenici koji su predmet ove podrške, moraju biti na području Zeničko-dobojskog kantona.

Pravo na ostvarivanje podrške mogu ostvariti aplikanti koji ispunjavaju slijedeće uslove:

- U plasteniku ili stakleniku imaju **zasnovanu proizvodnju povrća**;
- Imaju plastenike ili staklenike minimalne površine **400 m²**;
- Da je visina konstrukcije (svih lukova) na najvišem dijelu minimalno 2 m u odnosu na okolno zemljište;
- Plastenici čija je površina manja od 50m² neće se uzimati u obzir za obračun;
- Da su plastenici ili staklenici metalne konstrukcije sa folijom, zatvoreni sa čeonih strana i montiranim vratima za ulazak/izlazak;
- Da je podnosilac zahtjeva vlasnik parcele na kojoj se nalazi proizvodnja, ili je član zajedničkog domaćinstva sa vlasnikom predmetne parcele.
- Ukoliko je vlasništvo nad parcelom zajedničko sa više suvlasnika, podnosilac zahtjeva mora obezbijediti saglasnost svih suvlasnika.

Potrebna dokumentacija za ostvarivanje poticaja

Za ostvarivanje prava na podršku korisnik kantonalmom ministarstvu dostavlja u **originalu ili ovjerenoj kopiji** slijedeću dokumentaciju:

1. **Obrazac zahtjeva, taksiran sa 3KM kantonalne administrativne takse**
2. **Potvrda o podnošenju zahtjeva za upis u Registar poljoprivrednih gazdinstava i Registar klijenata od općinske službe prema mjestu prebivališta (fizička lica)**
3. **Potvrda o registraciji samostalne poljoprivredne djelatnosti-osnovna djelatnost (Rješenje nadležne općinske službe) – ovjerena kopija**
4. **Kopija žiro računa**
5. **Kopija katastarskog plana sa označenom parcelom (skica – ne starija od šest mjeseci);**
6. **Potvrda o vlasništvu - Posjedovni list – ne stariji od šest mjeseci**
 - **Ukoliko podnosilac zahtjeva živi u zajedničkom domaćinstvu sa vlasnikom zemljišta podnosilac uz zahtjev dostavlja i kućnu listu**
 - **Saglasnost suvlasnika za predmetnu parcelu (ukoliko ima više suvlasnika);**
 - **U slučaju da je vlasnik zemljišta umro, podnosi se i ovjereno rješenje o nasljeđivanju ili drugi dokaz da je ostavinski postupak u toku**

Poljoprivredna stručna služba će uvidom na terenu utvrditi da li platenici zadovoljavaju profesionalne kriterije za proizvodne platenike/staklenike i zapisnički konstatovati činjenično stanje na svakom kandidiranom plateniku/stakleniku.

Zahtjevi se podnose na protokol Zeničko-dobojskog kantona do 08. 07. 2011. godine.

IX

PROIZVODNJA MALINE

Podršku za proizvodnju maline mogu ostvariti proizvođači maline čije se parcele nalaze na području Zeničko-dobojskog kantona i imaju sklopljen ugovor sa otkupljivačem/prerađivačem na području FBiH.

Podrška za proizvođače maline iznosi 0,20 KM/kg.

Pravo na podršku mogu ostvariti fizička i pravna lica koja ispunjavaju slijedeće uslove:

- Imaju zasnovanu proizvodnju maline,
- Imaju Ugovor o plasmanu maline sa prerađivačem/otkupljivačem,
- Posjeduju otpremnicu o predatoj količini maline od prerađivača/otkupljivača s kojim je sklopljen Ugovor,
- Predaju otkupljivaču/prerađivaču minimalno 700 kg maline.

Potrebna dokumentacija za ostvarivanje poticaja

Za ostvarivanje prava na podršku korisnik kantonalnog ministarstvu dostavlja u **originalu ili ovjerenoj kopiji** slijedeću dokumentaciju:

1. **Zahtjev taksiran sa 3KM kantonalne administrativne takse**
2. **Potvrda o podnošenju zahtjeva za upis u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica)**
3. **Ovjerenu kopiju ugovora sa otkupljivačem/prerađivačem**
4. **Dokaz o predatoj količini, minimalno 700 kg plodova (otpremnica ili paragon blok ili potvrdu od strane otkupljivača/prerađivača)**
5. **Kopija žiro računa.**

Zahtjevi se podnose na protokol Zeničko-dobojskog kantona do 30. 08. 2011.godine.

X

PROIZVODNJA BOROVNICE

Podršku za proizvodnju borovnice mogu ostvariti proizvođači borovnice čije se parcele nalaze na području Zeničko-dobojskog kantona i imaju sklopljen ugovor sa otkupljivačem/prerađivačem na području FBiH.

Podrška za proizvođače borovnice iznosi 0,30 KM/kg.

Pravo na podršku mogu ostvariti fizička i pravna lica koja ispunjavaju slijedeće uslove:

- Imaju zasnovanu proizvodnju borovnice,
- Imaju Ugovor o plasmanu borovnice sa prerađivačem/otkupljivačem,
- Posjeduju otpremnicu o predatoj količini borovnice od prerađivača/otkupljivača s kojim je sklopljen Ugovor.

Potrebna dokumentacija za ostvarivanje poticaja

Za ostvarivanje prava na podršku korisnik kantonalnog ministarstvu dostavlja u **originalu ili ovjerenoj kopiji** slijedeću dokumentaciju:

1. **Zahtjev taksiran sa 3KM kantonalne administrativne takse**
2. **Potvrda o podnošenju zahtjeva za upis u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica)**
3. **Ovjerenu kopiju ugovora sa otkupljivačem/prerađivačem**
4. **Dokaz o predatoj količini plodova (otpremnica ili paragon blok ili potvrdu od strane otkupljivača/prerađivača)**
5. **Kopija žiro računa.**

Zahtjevi se podnose na protokol Zeničko-dobojskog kantona do 28.10.2011. godine.

XI PROIZVODNJA GLJIVA

Pravo na podršku imaju proizvođači gljiva šampinjona i bukovače koji su registrovani za navedenu djelatnost.

Iznos poticaja je **10 KM/t** nabavljenog supstrata za proizvodnju gljiva, što korisnik dokazuje računom o kupovini supstrata obavljen u periodu 01.09.2010. godine do 31.08. 2011. godine.

Minimalna količina nabavljenog supstrata za poticaj je **10 tona.**

Potrebna dokumentacija za ostvarivanje poticaja.

Za ostvarivanje prava na podršku korisnik kantonalnom ministarstvu dostavlja u **originalu ili ovjerenoj kopiji** slijedeću dokumentaciju:

1. **Zahtjev taksiran sa 3 KM kantonalne administrativne takse**
2. **Potvrda o podnošenju zahtjeva za upis u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica)**
3. **Dokument kojim potvrđuje da je registrovan za navedenu djelatnost**
4. **Porezne fakture o nabavci supstrata, član 107 Pravilnika o primjeni zakona o porezu na dodatu vrijednost („Službeni glasnik B iH“ broj 93/05)**
5. **Za uvezeni supstrat dostavlja se uz račun i carinska deklaracija**
6. **Uvjerenje o izmirenim poreskim obavezama (ne starije od 30 dana)**
7. **Zapisnici PSS-a o proizvodnim kapacitetima**

Poljoprivredna stručna služba će uvidom na terenu sačiniti zapisnik o kapacitetima za proizvodnju gljiva.

Zahtjevi se podnose na protokol Zeničko-dobojskog kantona do 01. 09. 2011. godine, a kompletiranje dokumentacije i provjera od strane PSS-a će biti obavljena do 30.09.2011. godine.

XII PROIZVODNJA HELJDE I SPELTE

Premira se proizvodnja heljde i spelte sa 350,00 KM/ha, kod proizvođača koji imaju certifikat za organsku proizvodnju ovih kultura.

Pravo na premiju mogu ostvariti samo proizvođači koji imaju zasijanu površinu veću od 1 ha.

Potrebna dokumentacija za ostvarivanje poticaja

Za ostvarivanje prava na podršku korisnik kantonalnom ministarstvu dostavlja u **originalu ili ovjerenoj kopiji** slijedeću dokumentaciju:

1. **Zahtjev taksiran sa 3KM kantonalne administrativne takse**
2. **Potvrda o podnošenju zahtjeva za upis u Registar poljoprivrednih gazdinstava i Registar clijenata od općinske službe prema mjestu prebivališta (fizička lica) ili prema sjedištu (pravna lica)**
3. **Certifikat za organsku proizvodnju**
4. **Uvjerenje o izmirenim poreskim obavezama (ne starije od 30 dana)**
5. **Kopija katastarskog plana i posjedovni list odnosno Ugovor o zakupu zemljišta (sa kopijom katastarskog plana i posjedovnim listom)**
6. **Zapisnik PSS o zasnovanoj proizvodnji**

Poljoprivredna stručna služba će uvidom na terenu zapisnički konstatovati činjenično stanje na kandidiranoj parceli.

Zahtjevi se podnose na protokol Zeničko-dobojskog kantona do 08. 07. 2011. godine.

XIII ZASNIVANJE NOVIH ZASADA MALINE I BOROVNICE

Podršku za zasnivanje zasada maline i borovnice mogu ostvariti uzgajivači maline i borovnice čije se parcele nalaze na području Zeničko-dobojskog kantona.

Podršku mogu ostvariti i proizvođači koji su zasad maline ili borovnice zasnovali na parceli pod ugovorom o zakupu zemljišta sklopljen najmanje na 10 godina. Iznos podrške je 4.000 KM/ha .

Pravo na ostvarivanje poticaja imaju kandidati koji ispunjavaju sljedeće uslove:

- najmanja površina koja se podržava je 0,1 ha zasada,
- maksimalna površina koja se podržava 0,5 ha zasada,
- vlasništvo nad parcelom ili dokaz o pravu na korištenje zemljišta,
- obavili sadnju maline i borovnice,
- u zasadu provedene mjere osnovne obrade i održavanja zemljišta,
- sadni materijal certificiran u skladu sa Zakonom o sjemenu i sadnom materijalu poljoprivrednog bilja („Službene novine FBiH“, broj:25/04),
- minimalan broj zasađenih sadnica maline je 12.000/hektaru, a borovnice 2.000/hektaru,
- sadnja obavljena na jednoj parceli,
- računi o nabavci sadnog materijala izdati u periodu od 31.12.2010. godine do 31.05.2011. godine.

Potrebna dokumentacija za ostvarivanje podrške

Za ostvarivanje prava na podršku korisnik kantonalnom ministarstvu dostavlja u **originalu ili ovjerenoj kopiji** slijedeću dokumentaciju:

1. **Zahtjev, taksiran sa 3KM kantonalne administrativne takse**
2. **Potvrda o podnošenju zahtjeva za upis u Registar poljoprivrednih gazdinstava i Registar clijenata od općinske službe prema mjestu prebivališta (fizička lica) ili prema sjedištu (pravna lica)**
3. **Dokaz o vlasništvu nad parcelom: sa označenim prijavljenim k.č.**
 - **ZK izvadak i Posjedovni list (ne stariji od šest mjeseci) ili**
 - **Ugovor o zakupu/kupovini zemlje(ili rješenje o nasljeđivanju/poklonu sa ZK izvadkom i Posjedovnim listom**
 - **Ukoliko podnosilac zahtjeva živi u zajedničkom domaćinstvu sa vlasnikom zemljišta podnosilac uz zahtjev dostavlja i kućnu listu;**
4. **Uvjerenje o izmirenim poreskim obavezama (ne starije od 30 dana)**
5. **Račun o nabavci sadnog materijala(ovjeren, na ime kupca),**

6. **Certifikati o kvalitetu i zdravstvenoj ispravnosti (ovjeren pečatom rasadnika),**
7. **Kopija bankovnog računa,**
8. **4 različite fotografije zasada,**
9. **Kopija žiro računa.**

Poljoprivredna stručna služba će uvidom na terenu zapisnički konstatovati činjenice o ispunjavanju uslova za ostvarivanje prava na novčanu podršku.

Zahtjevi se predaju putem protokola Zeničko-dobojskog kantona do 08.07.2011. godine.

XIV ZASNIVANJE NOVIH ZASADA VOĆA (VISOKOSTABLAŠICA)

Podršku za zasnivanje višegodišnjih zasada voća i vinograda mogu ostvariti uzgajivači voća i vinove loze čije se parcele nalaze na području Zeničko-dobojskog kantona.

Podršku mogu ostvariti i proizvođači koji su zasad voća i vinograda zasnovali na parceli pod ugovorom o zakupu zemljišta sklopljen najmanje na 20 godina.

Iznos podrške je 6.000 KM/ha za intenzivne zasade voća i vinove loze površine od 0,2 do 0,5 hektar.

Pravo na ostvarivanje poticaja imaju kandidati koji ispunjavaju sljedeće uslove:

- najmanja površina koja se podržava je 0,2 ha zasada,
- maksimalna površina koja se podržava 0,5 ha zasada,
- vlasništvo nad parcelom ili dokaz o pravu na korištenje zemljišta,
- obavili sadnju voća i vinove loze,
- u zasadu provedene mjere osnovne obrade i održavanja zemljišta,
- sadni materijal certificiran u skladu sa Zakonom o sjemenu i sadnom materijalu poljoprivrednog bilja („Službene novine FBiH“, broj:25/04),
- intenzivnost zasada u skladu sa kombinacijom podloga/sorta,
- podrška se odnosi na intenzivne zasade voćnih vrsta: šljiva, višnja, trešnja, breskva, kajsija, jabuka, kruška, lijeska i vinova loza,
- sadnja obavljena na jednoj parceli,
- računi o nabavci sadnog materijala izdati u periodu od 30.10.2010. godine do 31.05.2011. godine

Potrebna dokumentacija za ostvarivanje podrške

Za ostvarivanje prava na podršku korisnik kantonalmom ministarstvu dostavlja u **originalu ili ovjerenj kopiji** sljedeću dokumentaciju:

1. **Zahtjev, taksiran sa 3KM kantonalne administrativne takse**
2. **Potvrda o podnošenju zahtjeva za upis u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica)**
3. **Dokaz o vlasništvu nad parcelom: sa označenim prijavljenim k.č.**
 - **ZK izvadak i Posjedovni list (ne stariji od šest mjeseci) ili**
 - **Ugovor o zakupu/kupovini zemlje ili rješenje o nasljeđivanju/poklonu sa ZK izvadkom i Posjedovnim listom**
 - **Ukoliko podnosilac zahtjeva živi u zajedničkom domaćinstvu sa vlasnikom zemljišta podnosilac uz zahtjev dostavlja i kućnu listu;**
4. **Uvjerenje o izmirenim poreskim obavezama (ne starije od 30 dana)**
5. **Račun o nabavci sadnog materijala (ovjeren, na ime kupca),**

6. **Certifikati o kvalitetu i zdravstvenoj ispravnosti (ovjeren pečatom rasadnika),**
7. **Kopija bankovnog računa,**
8. **4 različite fotografije zasada,**
9. **Kopija žiro računa,**
10. **Minimalan broj zasadenih sadnica: jabuke 2.000/ha, kruške 1.000/ha, šljive 500/ha, trešnja 500/ha, višnje 1.200/ha, breskve 500/ha, kajsije 500/ha i lijeska 500/ha.**

Poljoprivredna stručna služba će uvidom na terenu zapisnički konstatovati činjenice o ispunjavanju uslova za ostvarivanje prava na novčanu podršku.

Zahtjevi se predaju putem protokola Zeničko-dobojskog kantona do 08.07.2011. godine.

XV

PODRŠKA ZA REPROCENTRE VOĆA

Podršku za reprocentare voća mogu ostvariti proizvođači voćnih sadnica čija je proizvodnja zasnovana na parcelama koje se nalaze na području Zeničko-dobojskog kantona.

Podršku mogu ostvariti reprocentari voća koji su registrovani za proizvodnju voćnih sadnica .

Minimalna površina reprocentra voća koja se potiče je 1 hektar. Iznos podrške je 3.500,00 KM/ha reprocentra.

Za ostvarivanje prava na podršku korisnik kantonalnom ministarstvu dostavlja u **originalu ili ovjerenj kopiji** slijedeću dokumentaciju:

1. **Zahtjev, taksiran sa 3KM kantonalne administrativne takse,**
2. **Potvrda o podnošenju zahtjeva za upis u Registar poljoprivrednih gazdinstava i Registar klijenata od općinske službe prema sjedištu (pravna lica),**
3. **Dokaz o vlasništvu nad parcelom: sa označenim prijavljenim k.č.**
 - **ZK izvadak i Posjedovni list (ne stariji od šest mjeseci) ili Ugovor o zakupu/kupovini zemlje ili zemljište dobiveno na korištenje od općine ili rješenje o nasljeđivanju/poklonu sa ZK izvadkom i Posjedovnim listom**
4. **Uvjerenje o izmirenim poreskim obavezama-za pravne subjekte (ne starije od 30 dana),**
5. **Uvjerenje o stručnom nadzoru nad proizvodnjom,**
6. **Kopija rješenja o registraciji pravnog lica za obavljanje djelatnosti u proizvodnji voćnih sadnica.**

Poljoprivredna stručna služba će uvidom na terenu zapisnički konstatovati činjenice o ispunjavanju uslova za ostvarivanje prava na novčanu podršku.

Zahtjevi se predaju putem protokola Zeničko-dobojskog kantona do 08.07.2011. godine.

B/1 PODRŠKA PRERAĐIVAČIMA

XVI

PODRŠKA MLJEKARAMA ZA OTKUP SVJEŽEG KRAVLJEG MLIJEKA

Pravo na premiju imaju samo pravna lica (prerađivači mlijeka) sa područja Zeničko-dobojskog kantona, za onu količinu mlijeka po čijem su osnovu njihovi kooperanti ostvarili federalnu premiju za mlijeko.

Premija iznosi 0,02 KM/litru otkupljenog mlijeka na koju je ostvarena premija za mlijeko iz budžeta Federacije Bosne i Hercegovine za kooperante mljekare.

Potrebna dokumentacija za ostvarivanje poticaja

Za ostvarivanje prava na podršku korisnik kantonalnom ministarstvu dostavlja u **originalu ili ovjerenoj kopiji** slijedeću dokumentaciju:

1. **Zahtjev taksiran sa 3 KM kantonalne administrativne takse**
2. **Potvrda o podnošenju zahtjeva za upis u Registar poljoprivrednih gazdinstava i Registar klijenata od općinske službe prema sjedištu (pravna lica)**
3. **Žiro račun firme i obračun premije**
4. **Kopija rješenja za obavljanje prerade mlijeka**
5. **Kopiju dokumentacije kojom je prerađivač kandidirao svoje kooperante za premiju za mlijeko iz Federalnog budžeta (obračun premije i raster mjesečnog otkupa)**
6. **Uvjerenje o izmirenim poreskim obavezama (ne starije od 30 dana)**

Dokumentacija pod rednim brojevima 2,4 i 6 prilaže se samu za prvi (I) kvartal 2011. god.

Zahtjevi se predaju putem protokola Zeničko-dobojskog kantona najkasnije 15 dana po isteku roka za dostavljanje zahtjeva za ostvarivanje Federalnog poticaja za mlijeko.

XVII

PODRŠKA PRERAĐIVAČIMA ZA OTKUP BROJLERA

Pravo na premiju imaju samo pravna lica registrovana za djelatnosti u proizvodnji brojlerskog mesa. Premija se ostvaruje na otkupljene količine brojlera iz 2011.godine od kooperanata sa područja Zeničko-dobojskog kantona, preračunate u kilograme žive vage, a iznosi 0,10 KM/kg žive vage, maksimalno se potiče 500.000 kg po jednom subjektu.

Potrebna dokumentacija za ostvarivanje poticaja

Za ostvarivanje prava na podršku korisnik kantonalnom ministarstvu dostavlja u **originalu ili ovjerenoj kopiji** slijedeću dokumentaciju:

1. **Zahtjev taksiran sa 3 KM kantonalne administrativne takse**
2. **Potvrda o podnošenju zahtjeva za upis u Registar poljoprivrednih gazdinstava i Registar klijenata od općinske službe prema sjedištu (pravna lica);**
3. **Kopije ugovora sa kooperantima**
4. **Kopiju dokumenta kojim se potvrđuje ulaz (otkup) brojlera**
5. **Obračun premije na propisanom obrascu (obrazac Ministarstva)**
6. **Kopija rješenja o registraciji pravnog lica za obavljanje djelatnosti u proizvodnji brojlerskog mesa**
7. **Uvjerenje o izmirenim poreskim obavezama (ne starije od 30 dana).**

Zahtjevi se predaju putem protokola Zeničko-dobojskog kantona do 30.09.2011. godine.

B/2 PODRŠKA OTKUPLJIVAČIMA

XVIII

PODRŠKA OTKUPLJIVAČIMA ZA OTKUP SVJEŽEG KRAVLJEG MLIJEKA

Novčani poticaj za organizovani otkup svježeg mlijeka od individualnih poljoprivrednih proizvođača sa područja Zeničko-dobojskog kantona može se ostvariti za ugovoreni otkup za poznatog kupca.

Premija iznosi 0,02 KM/litru otkupljenog mlijeka na koju je ostvarena premija za mlijeko iz budžeta Federacije Bosne i Hercegovine za kooperante mljekare sa kvotom iznad 1500 litara mlijeka.

Potrebna dokumentacija za ostvarivanje poticaja

Za ostvarivanje prava na podršku korisnik kantonalnog ministarstvu dostavlja u **originalu ili ovjerenoj kopiji** slijedeću dokumentaciju:

- 1. Raster mjesečnog otkupa**
- 2. Potvrda o podnošenju zahtjeva za upis u Registar poljoprivrednih gazdinstava i Registar klijenata od općinske službe prema sjedištu (pravna lica)**
- 3. Obračun poticaja na propisanom obrascu**
- 4. Ugovor sa prerađivačem**
- 5. Spisak kooperanata sa brojevima ugovora**
- 6. Kopiju rješenja o registraciji za navedenu djelatnost**
- 7. Kopiju dokumenta kojim se potvrđuje isporuka mlijeka prerađivaču**

Dokumentacija pod rednim brojevima 2,4 i 6 prilaže se samu za prvi (I) kvartal 2011. god.

Zahtjevi se predaju putem protokola Zeničko-dobojskog kantona najkasnije 15 dana po isteku roka za dostavljanje zahtjeva za ostvarivanje Federalnog poticaja za mlijeko.

XIX

PODRŠKA OTKUPLJIVAČIMA SVJEŽEG VOĆA I POVRĆA

Novčana podrška za organizovani otkup voća i povrća od individualnih poljoprivrednih proizvođača sa područja Zeničko-dobojskog kantona može se ostvariti za ugovoreni otkup za poznatog kupca.

Iznos podrške za otkup svježeg voća (jabuka, kruška, šljiva, višnja, malina, jagoda-plantažni uzgoj i borovnica-plantažni uzgoj) i povrća (paprika, paradajz, krastavac) je **0,03 KM/kg** otkupljenog svježeg voća i povrća. Maksimalan iznos podrške po jednom subjektu iznosi **10.000 KM**.

Uvjeti koje mora ispuniti kandidat za novčanu podršku za otkup voća i/ili povrća:

- Da je registrovan za navedenu djelatnost;
- Ugovor sa kooperantima sa područja Zeničko-dobojskog kantona koji sadrži:
 - *Prezime i ime poljoprivrednog proizvođača;*
 - *Jedinstveni matični broj poljoprivrednog proizvođača;*
 - *Broj lične karte poljoprivrednog proizvođača;*
 - *Vrstu voća i/ili povrća za koju se ugovara otkup;*
- Potvrda o predanoj količini (sa imenima i prezimenima proizvođača, datumima predane količine i vrste voća i/ili povrća);
- Ugovor o prodaji sa pravnim licem registrovanim za promet ili preradu poljoprivrednih proizvoda ukoliko nije sam registrovan za promet;
- Da ima adekvatan skladišni prostor u skladu sa vremenom zadržavanja otkupljenog voća i povrća , što će uvidom na terenu utvrditi poljoprivredna stručna služba.

Potrebna dokumentacija za ostvarivanje poticaja

Za ostvarivanje prava na podršku korisnik kantonalnog ministarstvu dostavlja u **originalu ili ovjerenoj kopiji** slijedeću dokumentaciju:

- 1. Zahtjev taksiran sa 3 KM kantonalne administrativne takse;**
- 2. Potvrda o podnošenju zahtjeva za upis u Registar poljoprivrednih gazdinstava i Registar klijenata od općinske službe prema sjedištu (pravna lica);**
- 3. Kopiju Rješenja o registraciji za navedenu djelatnost**

4. Tabela prikaz otkupljenih količina po vrstama voća i/ili povrća za svakog poljoprivrednog proizvođača zasebno
5. Tabela prikaz otkupljenih količina po vrstama voća i/ili povrća za sve poljoprivredne proizvođače
6. Ovjereni primjerak Otkupnog lista (ovjeren vlastitim pečatom);
7. Ugovor sa poljoprivrednim proizvođačem (original ili ovjeren kopija)
8. Ugovor o prodaji sa pravnim licem registrovanim za promet ili preradu poljoprivrednih proizvoda (original ili ovjeren kopija);
9. Uvjerenje o izmirenim poreskim obavezama-izuzev udruženja poljoprivrednika (ne starije od 30 dana).

Zahtjevi se predaju putem protokola Zeničko-dobojskog kantona do 14.10.2011. godine.

C-KAPITALNA ULAGANJA

XX

PODRŠKA ZA NABAVKU MEHANIZACIJE ZA POLJOPRIVREDU

Podržava se nabavka mehanizacije za poljoprivredu u iznosu do 25% vrijednosti mehanizacije (maksimalan iznos podrške je do 10.000 KM), što poljoprivredni proizvođač dokazuje računima o kupovini koja je obavljena u periodu od 01. 06. 2010. do 30. 06. 2011. godine.

Pravo na ostvarivanje podrške imaju kandidati (fizička lica) koja nabave novi traktor, silažni kombajn (samohodni , nošeni ili vučeni) i samohodnu kosilicu (izuzev parkovske kosilice).

Potrebna dokumentacija za ostvarivanje poticaja

Za ostvarivanje prava na podršku korisnik kantonalnog ministarstvu dostavlja u **originalu ili ovjerenj kopiji** slijedeću dokumentaciju:

1. Zahtjev taksiran sa 3KM kantonalne administrativne takse
2. Potvrda o podnošenju zahtjeva za upis u Registar poljoprivrednih gazdinstava i Registar klijenata od općinske službe prema mjestu prebivališta (fizička lica)
3. Porezna faktura o nabavci mehanizacije (originalna), član 107 Pravilnika o primjeni zakona o porezu na dodatu vrijednost („Službeni glasnik B iH“ broj 93/05)
4. Ugovor sa otkupljivačem ili prerađivačem poljoprivrednih proizvoda
5. Uvjerenje o izmirenim poreskim obavezama (ne starije od 30 dana)
6. Ovjeren izjava podnosioca zahtjeva da nabavljena mehanizacija neće biti prodana ili otuđena u periodu od 5 godina od trenutka dobijanja poticaja.

Zahtjevi se podnose na protokol Zeničko-dobojsko kantona do 15. 07. 2011. godine.

PODRŠKA ZA UJEDNAČEN RAZVOJ POLJOPRIVREDE NA PODRUČJU ZENIČKO-DOBOJSKOG KANTONA

S ciljem ravnomjernijeg razvoja poljoprivrede na cijelom području Zeničko-dobojskog kantona u 2011. godini, iz ukupnog budžeta za poticaje u poljoprivredi izdvaja se 150.000,00 KM za šest općina Kantona (Maglaj, Olovo, Usora, Kakanj, Zavidovići i Vareš), koje su u posljednje četiri godine imale najnižu realizaciju poticaja.

Sredstva će se odobravati na osnovu projekata koje će dostavljati poljoprivredne zadruge, udruženja poljoprivrednih proizvođača, preduzeća registrovana za obavljanje poljoprivredne djelatnosti, općine putem službi nadležni za poljoprivredu i individualni poljoprivredni proizvođači.

Ocjenu projekta vršit će stručna komisija koju će formirati Ministar Ministarstva za poljoprivredu, šumarstvo i vodoprivredu Zeničko-dobojskog kantona.

Ukupno opredijeljena sredstva između općina dijelit će se u skladu sa sljedećom tabelom:

R/br	Općina	Broj stanovnika	% učešće u broju stanovnika	Opredjeljena sredstva u skladu sa % učešćem brojem stanovnika (KM)
1.	Maglaj	23.571	17,30	26.000
2.	Kakanj	43.390	31,85	47.500
3.	Zavidovići	38.194	28,00	42.000
4.	Vareš	11.213	8,25	12.500
5.	Olovo	12.807	9,40	14.000
6.	Usora	7.068	5,20	8.000
	UKUPNO	136.243	100,00	150.000

U slučaju da neka od šest općina ne ponudi kvalitetne projekte u zadatim rokovima i na taj način ne iskoristi dodijeljena sredstva, ista se mogu usmjeriti prema drugim općinama za koje su namjenjena ova sredstva.

Dodijela sredstava vrši se na osnovu programa -projekata koji moraju sadržavati slijedeće dijelove:

- naziv programa-projekta,
- osnovni cilj programa-projekta,
- aktivnosti koje se sprovode u okviru programa-projekta,
- iznos sredstava potrebnih za realizaciju aktivnosti u okviru programa, odnosno za sufinansiranje projekata,
- broj sudionika obuhvaćenih programom-projektom i očekivani rezultati.

Korisnici su dužni dostaviti slijedeću dokumentaciju:

1. Program-projekat aktivnosti
2. Rješenje o registraciji (poljoprivredne zadruge, udruženja poljoprivrednih proizvođača, preduzeća registrovana za obavljanje poljoprivredne djelatnosti)
3. Opis dosadašnjih aktivnosti
4. Broj i kategoriju korisnika programa i očekivane rezultate
5. Potvrda o podnošenju zahtjeva za upis u Registar poljoprivrednih gazdinstava i klijenata od općinske službe prema mjestu prebivališta (fizička lica) ili prema sjedištu (pravna lica)
6. Potvrdu nadležne porezne uprave da korisnik nema dospjelih, a ne izmirenih poreznih obaveza -izuzev udruženja poljoprivrednika (ne starije od 30 dana)

7. Ugovor ili potvrdu od banke o otvaranju računa korisnika sa navedenim transakcijskim računom banke i tekućim računom korisnika

Zahtjev za ostvarivanje podrške kantonalnom ministarstvu podnosi korisnik najkasnije do **19.08.2011.godine**.

Kantonalni ministar određuje iznos podrške na osnovu prijedloga stručne komisije za ocjenu projekata-programa.

D-REZERVA

Sredstva rezervi koristiti će se za hitne i nepredviđene izdatke koji se pojave tokom budžetske godine.

Kriteriji na osnovu kojih Ministarstvo razmatra vanredne zahtjeve i predlaže Vladi donošenje zaključaka o odobravanju sredstava iz ove stavke su slijedeći:

1. Da se radi o naknadnim i nepredviđenim aktivnostima vezanim za primarnu poljoprivrednu proizvodnju, a koji nisu definisani u okviru Programa i Uputstva.
2. Da se radi o sufinansiranju projekata od interesa za Kanton i/ili općinu, a za koje su sredstva obezbijedena iz drugih izvora, a za čiji je završetak neophodno obezbijediti dodatna sredstva koja nisu planirana Programom.

XXII

Ovo Uputstvo stupa na snagu danom objavljivanja na web stranici Zeničko-dobojskog kantona, a primjenjivat će se na poticaje poljoprivrednih proizvodnji za 2011. godinu, a primjenjivat će se od dana objavljivanja do 31. 12. 2011. godine.

XXIII

Danom stupanja na snagu ovog Uputstva prestaje da važi Uputstvo broj: 05/24 -10968/10.

Broj: 05-24-15712/2011

MINISTAR

Datum: 13.06.2011. godine

Samir Selimović